

古今絕句

三







本朝絕句



荆國文公



七言

和郭公甫

且欲相邀臥看山，扁舟自可送君還。  
留連山郭今如此，知復何時伴我閒。  
葉致遠置洲田以詩言志次  
其韻二首

吟嘆君詩久掉頭，知君興不負滄洲。  
土山欲爲羊曇賭，且可專心學弈秋。

荆句中

一

二

若將有限計無涯，自困真同算海沙。  
隨順世緣聊戲劇，莫言河渚是吾家。  
又次葉致遠韻二首

庵成有興亦尋春，風暖荒萊步始勻。  
若遇好花須一笑，豈妨迦葉杜多身。  
二

明時君尚富，春秋豈比衰翁遠。自投  
智略未應施，畎畝上前他日望吾丘。  
次朱昌叔韻



寄公無國寄鍾山垣屋青松掩靄間  
長以聲音爲佛事野風蕭颯水潺湲

次張唐公韻

憶昨同追八馬蹄約公投老此山棲  
公乘白鳳今何處我適新年值白鷄

次俞秀老韻

解我葱珩脫孟勞暮年甘與子同袍  
新詩比舊增竒峭若許追攀莫太高

酬宋廷評請序經解

未曾相識已相憐香火靈山亦有緣

荆句中

二

訓釋雖工君尚少不應忽務世人傳  
送耿天隲至渡口

雪雲江上語依依不比尋常恨有違  
四十餘年心莫逆故人如我與君稀  
水慶院送道原還儀真作詩  
要之

歲暮青條已見梅餘花次第相爭開  
淮南無此山林勝作意春風更一來  
送方劭秘校

南浦柔條拂地垂攀翻聊寄我西悲



武昌官柳年年好他日春風憶此時

芙蓉堂二首

投老歸來一幅巾尚私榮祿備藩臣  
芙蓉堂下疏秋水且與龜魚作主人

二

乞得膠膠擾擾身五湖烟水替風塵  
祇將鳧雁同爲侶不與龜魚作主人

長干釋普濟坐化

投老唯公最故人相尋長恨隔城圍  
百年俯仰隨薪盡畫手空傳淨戒心

荆句中

三

送黃吉甫入京題清涼寺壁

薰風洲渚薺花繁看上征鞍立寺門  
投老難堪與君別倚柱從此望還轅

與道原自何氏宅步至景德寺

前時偶見花如夢紅紫紛披競淺深  
今日重來如夢覺靜無餘馥可追尋

過法堂

路過潮溝八九盤招提雪脊隱雲端  
金鈿一一花摠老翠被重重山更寒



光宅寺

梁武帝宅也其北齊安隔淮齊武帝宅也

宋興又在北

齊安孤起宋興前光宅相仍一水邊  
蜂分蟻爭今不見故窠遺堙尚依然

題勇老退居院

道人投老寄山林偶坐脩然洗我心  
夢境此身能且在明年寒食更相尋

與寶覺宿龍華院三絕句舊有

詩隔數重山瓜洲一水間鍾南山

岸照我月還

荆句中

四

老於陳迹倦追攀但見幽人數往還  
憶我小詩成悵望鍾山只隔數重山

二

世間投老斷攀緣忽憶東游已十年  
但有當時京口月與公隨我故依然

三

與公京口水雲間問月何時照我還  
邂逅我還還問月何時照我宿金山

偶作

一燈相伴十餘年舊事陳言知幾徧



到老不如無累後困來顛倒枕長眠

清涼白雲庵

庵雲作頂峭無鄰衣月爲衿靜稱身  
木落岡巒因自獻水歸洲渚得橫陳

自定林過西庵

午雞聲不到禪林栢子煙中靜擁衾  
忽憶西巖道人語杖藜乘興得幽尋

歸庵

稻畦葳水綠秧齊松鬣初乾尚有泥  
縱蹇尋岡歸獨卧東庵殘夢午時雞

荆句中

五

雪中游北山呈廣州使君和

叔同年

南州歲晚亦花開有底堪隨驛使來  
看取鍾山如許雪何須持寄嶺頭梅

謝安塲二首

我名公字偶相同我屋公塲在眼中  
公去我來塲屬我不應塲姓尚隨公

二

謝公陳迹自難追山月淮雲祗往時  
一去可憐終不返暮年垂淚對桓伊



東坡二首

東坡風雨臥黃雲  
滕水翻溝隔壠分  
春玉取新知不晚  
腰鎌今日已紛紛

二

荷葉初開筍漸抽  
東坡南蕩正堪游  
無端壠上脩脩麥  
橫起寒風占作秋

山坡

山坡院落今按種  
城郭樓臺已放燈  
白髮逢春唯有睡  
睡間啼鳥亦生憎

欲往北山以雨止

荆句中

六

北山朝氣澹高秋  
欲往愁霑獨少留  
散策緣岡初見日  
興隨雲盡復中休

耿天騭惠梨次韻奉酬

故人家果獨難忘  
秋實初成便得嘗  
直使紫花形味勝  
豈能終日望咸陽

二

淮圃新陰百畝涼  
分甘每得助秋嘗  
張公大谷雖云美  
谷肯苞苴出晉陽

三

甘滋南北共傳聞  
栽接還如老圃家



誰謂交梨非外獎因君澆灌已萌芽

北山有懷

香火因緣寄此山主恩投老更人間  
傷心躑躅岡頭路明日春風自往還

定林院

窮谷經春不識花新松老栢自欹斜  
慇懃更上山頭望白下城中有幾家

封舒國公三首

陳迹難尋天柱源疏封投老誤明恩  
國人欲識公歸處楊柳蕭蕭白下門

荆包中

七

二

桐鄉山遠復川長紫翠連城碧滿隍  
今日桐鄉誰愛我當時我自愛桐鄉

三

開國桐鄉已白頭國人誰復記前游  
故情但有吳塘水轉入東江向我流

北陂杏花

一陂春水繞花身花影妖饒各占春  
縱被春風吹作雪絕勝南陌碾成塵

五更



青燈隔幔映悠悠  
小雨含煙凝不流  
祇聽蛩聲已無夢  
五更桐葉強知秋  
與薛肇明奕棊賭梅花詩輸  
一首

華髮尋春喜見梅  
一株臨路雪培堆  
鳳城南陌他年憶  
杳杳難隨驛使來  
又代薛肇明一首

野水荒山寂寞濱  
芳條弄色最關春  
故將明艷凌霜雪  
未怕青鬢玉女嗔  
溝上梅花欲發

荆句中

八

亭亭背暖臨溝處  
脉脉含芳映雪時  
莫恨夜來無伴侶  
月明還見影參差

紅梅

江南歲盡多風雪  
也有紅梅漏洩春  
顏色凌寒終慘澹  
不應搖落始愁人  
耿天隲許浪山千葉梅見寄  
聞有名花卽謾栽  
慙準擬故人來  
故人歲歲相逢晚  
相一作能知復同看  
幾度開

與天隲宿清涼廣惠僧舍



故人不惜馬虺隤許我年年一度來  
野館蕭條無準擬與君封殖浪山梅  
池上看金沙花數枝過酴醾  
架盛開二首

午陰寬占一方苔映水前年坐看栽  
紅藥似嫌塵染污青條飛上別枝開

二

酴醾一架最先來夾水金沙次第栽  
濃綠扶踈雲對起醉紅撩亂雪爭開

北山

荆句中

九

北山輸綠漲橫陂直壑回塘灩灩時  
細數落花因坐久緩尋芳草得歸遲



詠菊二首

補落迦山傳得種閻浮檀水染成花  
光明一室真金色復似毗耶長者家

二

院落秋深數菊叢綠花錯莫兩三蜂  
蜜房歲晚能多少酒盞重陽自不供

楊柳

楊柳杏花何處好石梁茅屋雨初乾  
綠垂靜路要深駐紅寫清陂得細看

荆句中

十

北山道人栽松

陽坡風暖雪初融度谷遙看積翠重  
磊砢拂天吾所愛他生來此聽樓鐘

山櫻

山櫻抱石蔭松枝比並餘花發最遲  
賴有春風嫌寂寞吹香渡水報人知  
償薛肇明秀才橙木

濯錦江邊木有橙小園封植佇華滋  
地偏或免淵聖御名雕伐歲晚聊同庾信

移



馬斃

恩寬一老寄松筠晏臥東牕度幾春  
天廐賜駒龍化去謾容小蹇載閑身

出郊

川原一片綠交加深樹冥冥不見花  
風日有情無處著初迴光景到桑麻

懷府園

槐陰過雨盡新秋盆底看雲映水流  
忽憶小金山下路綠蘋稀處看游鯈

江寧夾口二首

荆句中

十一

鍾山咫尺被雲埋何況南樓與北齋  
昨夜月明江上夢逆隨潮水到秦淮

二

日西江口落征帆却望城樓淚滿衫  
從此夢歸無別路破頭山北北山南

蔣山手種松

青青石上歲寒枝一寸巖前手自移  
聞道近來高數尺此身蒲柳故應衰

中年

中年許國邯鄲夢晚歲還家壙垆游



南望青山知不遠五湖春草入扁舟

寄四姪旒

數篇持往助歡怡想見封題手自開  
春草已生無好句阿連空復夢中來

二

一日東岡上幾迴百重雲水隔蘇臺

一作一日東岡望百迴迢迢雲水隔蘇臺遙知別後詩無

數黃犬歸時總寄來

寄吳氏女子

夢想平生在一丘暮年方此得優游

荆句中

十二

江湖相忘真魚樂怪汝長謠特地愁

寄蔡天啓

杖藜緣塹復穿橋誰與高秋共寂寥  
佇立東岡一搔首冷雲衰草暮迢迢

呈陳和叔

數椽生草覆莓苔一作數椽牢一徑

牆陰斲雪開王吉囊衣新徙舍杖藜

從此為君來

二

數椽庠屋茨生草三畝荒園種晚蔬



永日終無一杯酒可能留得故人車  
招葉致遠

白下長干一水間竹雲新筍已斑斑  
明朝若有扁舟興落日潮生尚可還  
招揚德逢

山林投老倦紛紛獨卧看雲卻憶君  
雲尚無心能出岫不應君更懶於雲  
和叔招不往

門前秋水可揚舫有意西尋白下亭  
只欲往來相邂逅卻嫌招喚苦丁寧

荆旬中

十三

和叔雪中見過

捐書去寄老山林無復追緣緣一作尋往  
事心忽值故人乘雪興玉堂前話得  
重尋

俞秀老忽然不見

忽去飄然游冶盤共疑枝葉在梁端  
禪心暫起何妨寂道骨雖清不畏寒  
與耿天隲會話

邯鄲四十餘年夢相對黃梁欲熟時  
萬事祇如空鳥迹怪君強記尚能追



與道原過西莊遂游寶乘

周顥宅作阿蘭若婁約身歸宰堵坡  
今日隱侯孫亦老偶尋陳迹到煙蘿

一作蕙帳銅屏皆舊  
事飄然陳迹在松蘿

庚申正月游齊安

水南水北重重柳山後山前處處梅  
未即此身隨物化年年長趁此時來  
庚申正月游齊安有詩云水  
南水北重重柳壬戌正月再

遊

荆句中

十四

招堤詩壁漫黃埃忽忽籠紗雨過奔  
老值白雞能不死復隨春色破寒來

壬戌正月晦與仲元自淮上

復至齊安

風暖柴荆處處開雪乾沙淨水徘徊

意行却得前年路看盡梅花看竹來

壬戌五月與和叔同游齊安

縑成白雪桑重綠割盡黃雲稻正青

它日玉堂揮翰手芳時同此賦林垆

成字說後與曲江譚君丹陽



蔡君同游齊安

據梧枝策事如毛，久苦諸君共此勞。  
遙望南山堪散釋，故尋西路一登高。  
元豐二年十月政公路路故

作此詩

獨龍東路得平岡，始免游人屐齒妨。  
更有主林身半現，與公隨轉作陰涼。

書定林院牕

與安太師同宿  
既曉問昨夜有

何夢師云有  
數夢皆忘記

竹雞呼我出華胥，起滅篝燈擁燎鑪。

荆句中

十五

試問道人何所夢，但言渾忘不言無。  
同熊伯通自定林過悟真二  
首

與客東來欲試茶，倦投松石坐歌斜。  
暗香一陣連風起，知有薔薇澗底花。  
二

城郭紛紛老倦尋，幅巾來此北山岑。  
長遭客子留連我，未快穿雲涉水心。

悟真院

野水從橫漱屋除，午牕殘夢鳥相呼。



春風日日吹香草山北山南路欲無  
傳神自讚

我與丹青兩幻身世間流轉會成塵  
但知此物非他物莫問今人猶昔人

定林院昭文齋

定林齋後鳴禽散只有提壺守屋簷  
若勸道人沽美酒不應無意引陶潛

經局感言

罷相出守江寧仍領經局

自古能全已不才豈論騏驥與駑駘  
放歸自食情難適絡首猶存亦可哀

荆旬中

十六

鍾山晚步

小雨輕風落棟花細紅如雪點平沙  
槿黎竹屋江村路時見宜城賣酒家

散策

散策東岡亦已勞橫塘西轉有亭臯  
絮飛度屋何許柳花落埴溝無數挑

書靜照師塔

簡老已歸黃土陌淵師今作白頭翁  
百憂三十餘年事陳迹山林草野中

記夢

辛酉九月二日集雲峯爲



長老已而坐化復出山南興國寺與余同卧一榻禪懷山片竹數寸上繞生絲屬余藏之余弃弗取作詩與之

月入千江體不分道人非復世間人  
鍾山南北安禪地香火他時共一作兩身

勤會賀蘭溪主賀蘭溪洛京地名陳繹買地築居於

卸中問之

賀蘭溪上幾株松南北東西有幾峯  
買得住來今幾日尋常誰與坐從容

書湖陰先生壁二首

荆句中 十七

茆簷長掃靜無苔花木成畦手自栽  
一水護田將綠繞兩山排闥送青來  
二

桑條索漠棟花繁風斂餘香暗度垣  
黃鳥數聲殘午夢尚疑身屬半山園  
過劉全美所居

西崦晴天得強扶出林知有故人居  
數能過我論竒字當復令公見異書  
書何氏宅壁

有興提魚就公煮此言雖在已三年



皖瀟終負幽人約空對湖山坐惘然  
題永慶壁有雱遺墨數行

永慶招提墨數行歲時風露每悽傷  
殘骸豈久人間世故有情鍾未可忘

金陵府園示元度

畫船南北水遙通日暮幅巾篔簹竹中  
行到月臺逢翠碧背人飛過子城東

金陵群齋

談經投老拚悠悠爲吏文書了卽休  
深炷鑪煙一作香閉齋閣卧聽簷雨瀉

荆句中

十六

高秋

戲示蔣穎叔

扶衰南陌望長楸燈火如星滿地流  
但怪傳呼殺風景豈知禪客夜相投  
遊城東示深之德逢

欲牽淮舸共尋源且踏青青繞杏園  
憶我舊時光宅路依然桑柳映花繁

麗澤門

麗澤門西日未俄水明沙淨卷織羅  
綠瓊洲渚青瑤嶂付與詩工敢琢磨



示葉公佐

殘生傷性老耽書年少東來復起予  
各據高梧同不寐偶然聞雨落堦除  
示俞秀老二首

不見故人天際舟小亭殘日更回頭  
纒成白雪三千丈細草孤雲一片愁

二

君詩何以解人愁初日紅蕖碧水流  
未怕元劉妨獨步每思陶謝與同游  
示李時叔二首

荆句中

十九

知子鳴絃意在山一官聊復戲人間  
能爲白下東南尉藜杖緇巾得往還

二

千山訪我幾摧輶清坐來看十日留  
勢利白頭何足道古人傾蓋有綢繆  
示寶覺二首

火暖窻明粥一盃晨興相對寂無魚  
超然聖寺山林外別有禪天好淨居

二

重將壞色染衣裙共卧鍾山一塢雲



客舍黃梁今始熟鳥殘紅柿昔曾分  
仲元女孫

雙鬢嬉戲我庭除爭挽新花比繡襦  
親結香纓知不久汝翁那更鑷髭鬚  
示水慶院秀老

禪房借枕得重歌陳迹脩然尚有詩  
嗟我與公皆老矣拂天松柏見栽時  
示王鐸主簿

君正忙時我正閑如何同得到鍾山  
夷門二十年前事回首黃塵一夢間

荆句中

廿

戲城中故人

城郭山林路半分君家塵土我家雲  
莫吹塵土來污我我自雲持寄君  
戲贈段約之

竹栢相望數十楹藕花多處復開亭  
如何更欲通南埭割我鍾山一半青  
示俞秀老

魯山眉宇人不見只有歌辭來向東  
借問樓前踏于藁何如雲卧唱松風  
懷張唐公



直諒多爲世所排有懷長向我前開  
暮年惆悵誰知此南陌東阡獨往來

憶金陵三首

覆舟山下龍光寺玄武湖畔五龍堂  
想見舊時游歷處煙雲渺渺水茫茫

二

煙雲渺渺水茫茫繚繞蕪城一帶長  
蒿目黃塵憂世事追思陳迹故難忘

三

追思陳迹故難忘翠木蒼藤水一方

荆句中

三

聞說精廬今更好好隨殘汴理歸艍

離昇州作

殘菊冥冥風更吹雨如梅子欲黃時  
相看握手摠無語愁滿前心自眼知

望淮口

白煙瀰漫接天涯黯黯長空一道斜  
有似錢塘江上望晚潮初落見平沙

入瓜州望揚州

落日平林一水邊蕪城掩映祇蒼然  
白頭追想當時事幕府青衫最少年







